



ԳՆՈՒՄՆԵՐԻ ԲՈՂՈՔԱՐԿՄԱՆ ԽՈՐՀՈՒՐԴ

ք. Երևան

30.12.2016թ.

Ո Ր Ո Շ ՈՒ Մ

ՀՀ գնումների բողոքարկման խորհրդի

թիվ ԱՑ-43/15

ՀՀ գնումների բողոքարկման խորհրդի (այսուհետ նաև՝ Խորհուրդ) բողոքը քննող հանձնաժողովը՝ գործելով Խորհրդի անունից, քննելով ՀՀ ֆինանսների նախարարության 07.09.2015թ. թիվ 1/73-1/24633-15 գրությամբ ներկայացված «Մալվինաթոյս» ՍՊԸ-ին (այսուհետ նաև՝ Ընկերություն) գնումների գործընթացին մասնակցելու իրավունք չունեցող մասնակիցների ցուցակում ներառելու պաշտոնական ընթացակարգով նախաձեռնված բողոքը (այսուհետ նաև՝ ԱՑ-ԳԲԽ-43/15 բողոք), ինչպես նաև ուսումնասիրելով ԱՑ-ԳԲԽ-43/15 բողոքի վերաբերյալ «Գնումների աջակցման կենտրոն» ՊՈԱԿ-ի (այսուհետ նաև՝ Կենտրոն) 27.12.2016թ. ներկայացրած եզրակացությունը, պարզեց հետևյալը.

1. ՀՀ ֆինանսների նախարարության ներկայացրած փաստերը և պահանջը.

ՀՀ ֆինանսների նախարարությունը, ՀՀ պաշտպանության նախարարության 01.09.2015թ. թիվ ԴՎԱ/2078 գրության հիման վրա, 07.09.2015թ. թիվ 1/73-1/24633-15

գրությամբ դիմել է «Գնումների աջակցման կենտրոն» ՊՈԱԿ-ին՝ առաջարկելով ուսումնասիրել «Մալվինաթոյս» ՍՊԸ-ին (այսուհետ նաև՝ Ընկերություն) գնումների գործընթացին մասնակցելու իրավունք չունեցող մասնակիցների ցուցակում (այսուհետ նաև՝ Ցուցակ) ներառելու հիմքերը և այդպիսի հիմքերի առկայության դեպքում կազմակերպել բողոքարկման գործընթաց:

2. «Մալվինաթոյս» ՍՊԸ-ի ներկայացրած փաստարկները և դիրքորոշումը.

Կենտրոնը կարծիք ստանալու նպատակով 15.10.2015թ. թիվ 01/04.1/2741-15 գրությամբ, ինչպես նաև հետագայում էլեկտրոնային եղանակով դիմել է «Մալվինաթոյս» ՍՊԸ-ին, որին ի պատասխան Ընկերության կողմից որևէ կարծիք չի ներկայացվել:

«Մալվինաթոյս» ՍՊԸ-ն, պատշաճ ծանուցված լինելով ՍՑ-ԳԲԽ-43/15 բողոքը քննող հանձնաժողովի 18.12.2015թ. ժամը 17:30-ի և 25.12.2015թ. ժամը 17:40-ի նիստերի վերաբերյալ, չի ապահովել իր ներկայացուցչի մասնակցությունը:

3. ՀՀ պաշտպանության նախարարության ներկայացրած փաստարկները և դիրքորոշումը.

ՀՀ պաշտպանության նախարարությունը (այսուհետ նաև՝ Պատվիրատու) 01.09.2015թ. թիվ ԴՎԱ/2078 գրությամբ հայտնել է, որ հիմք ընդունելով Պատվիրատուի և «Մալվինաթոյս» ՍՊԸ-ի միջև 12.01.2015թ. կնքված թիվ «ՇՀԾՁԲ-7/2-1» ծածկագրով ծառայությունների գնման պայմանագրի (այսուհետ նաև՝ Պայմանագիր) 2.1.3 կետի «ա» ենթակետը՝ միակողմանի լուծարել է Պայմանագիրը և դրա անբաժանելի մասը կազմող 06.02.2015թ. կնքված N 1 համաձայնագիրը:

Պատվիրատուն, պատշաճ ծանուցված լինելով ՍՑ-ԳԲԽ-43/15 բողոքը քննող հանձնաժողովի 18.12.2015թ. ժամը 17:30-ի և 25.12.2015թ. ժամը 17:40-ի նիստերի վերաբերյալ, ապահովել է իր ներկայացուցչի մասնակցությունը 25.12.2015թ. ժամը 17:40-ի

նիստին, ով ներկայացրել է Պայմանագիրը Պատվիրատուի կողմից միակողմանի լուծարելու հիմքերը:

4. ՍՑ-ԳԲԽ-43/15 բողոքի վերաբերյալ «Գնումների աջակցման կենտրոն» ՊՈԱԿ-ի դիրքորոշումը

«Գնումների աջակցման կենտրոն» ՊՈԱԿ-ը Խորհրդին է ներկայացրել իր 27.12.2016թ. եզրակացությունը և առաջարկել ՀՀ ֆինանսների նախարարության 07.09.2015թ. N 1/73-1/24633-15 գրությամբ ներկայացված «Մալվինաթյս» ՍՊԸ-ին (ՀՎՀՀ՝ 00458098) գնումների գործընթացին մասնակցելու իրավունք չունեցող մասնակիցների ցուցակում ընդգրկելու պաշտոնական ընթացակարգը մերժել:

5. ՍՑ-ԳԲԽ-43/15 պաշտոնական ընթացակարգով նախաձեռնած բողոքի քննության համար էական նշանակություն ունեցող փաստերը

ՀՀ ֆինանսների նախարարության 07.09.2015թ. թիվ 1/73-1/24633-15 գրությամբ ներկայացված «Մալվինաթյս» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու պաշտոնական ընթացակարգով նախաձեռնած բողոքի քննության համար էական նշանակություն ունեն հետևյալ փաստերը՝

1. ՀՀ պաշտպանության նախարարության և «Մալվինաթյս» ՍՊԸ-ի միջև 12.01.2015թ. կնքվել է «ՇՀԾՁԲ-7/2-1» ծածկագրով լվացքի ծառայության գնման պայմանագիր:

2. Պայմանագրի 1-ին կետի 1.1-րդ ենթակետի համաձայն՝ Կատարողը (տվյալ դեպքում՝ «Մալվինաթյս» ՍՊԸ-ն) պարտավորվում է Պայմանագրով սահմանված կարգով, նախատեսված ծավալներով, ձևով և ժամկետներում (Հավելված N 1) Պատվիրատուին կամ

նրա կողմից որոշված ստացողին՝ մատուցել Լվացքի ծառայություն (այսուհետ նաև՝ Ծառայություն)՝ համաձայն նույն Պայմանագրի Հավելված N 2-ով սահմանված տեխնիկական բնութագրին համապատասխան, իսկ Պատվիրատուն պարտավորվում է ընդունել այդ ծառայության արդյունքը և վճարել դրա համար (Հավելված N 3):

3. Պայմանագրի 2.1 կետի 2.1.3 ենթակետի համաձայն՝ Պատվիրատուն իրավունք ունի միակողմանի լուծել Պայմանագիրը, եթե Կատարողը էականորեն խախտել է համարվում, եթե՝

ա) մատուցած Ծառայությունը չի համապատասխանում Պայմանագրի N 2 հավելվածով սահմանված պահանջներին,

բ) խախտվել է ծառայության մատուցման ժամկետը:

4. Համաձայն Պայմանագրի թիվ 1 համաձայնագրի գնման ժամանակացույցի՝ Ընկերությունը պարտավորվել էր 2015թ. ընթացքում մատուցել լվացքի ծառայություն 40 տարբեր զորամասերին յուրաքանչյուր ամիս՝ համապատասխան ծավալներով: Լվացքի ծառայության մատուցումն պետք է սկսվեր 2015թ. փետրվարից:

5. Պայմանագրի հավելված N 2 լվացքի ծառայության տեխնիկական բնութագրով սահմանվել է Ընկերության հետևյալ պարտականությունները.

1. Կեղտոտ սպիտակեղենը տեղավորել և վանալ ըստ կեղտոտվածության աստիճանների, չորացնել և արդուկել՝

- Անկողնային սպիտակեղեն (սավան՝ բամբակյա, բարձի երես՝ բամբակյա, վերնակաճրար՝ բամբակյա, սրբիչներ՝ խավավոր և վաֆլե, սրբիչ՝ վաֆլե բաղնիքի), լվացումը շաբաթական մեկ անգամ,

- Ներքնազգեստ (շապիկ՝ բամբակյա, ներքնաշոր՝ տաք), լվացումը շաբաթական մեկ անգամ,

- Հոսպիտալային և խոհարարական հանդերձանք և սպիտակեղեն, լվացումը շաբաթական մեկ անգամ,

- Համազգեստի պարագաներ (ամառային համազգեստի լվացում՝ ամիսը մեկ անգամից ոչ ավել, ձմեռային համազգեստի երեսացուի լվացում՝ տարին մեկ անգամ, ամառվա ամիսներին):

• Մաքուր սպիտակեղենի տեղափոխությունը լվացքատնից զորամաս իրականացնել պոլիէթիլենային պարկերի մեջ:

2. Կեղտոտ և լվացած սպիտակեղենի տեղափոխությունը պետք է իրականացնի լվացք կատարող կազմակերպությունը:

3. Կեղտոտ սպիտակեղենի ընդունում-հանձնումը պետք է իրականացվի տվյալ կազմակերպության լիազորված ներկայացուցչի կողմից:

6. Համաձայն ՀՀ ՊՆ 81151 զորամասի պատասխանատու ստորաբաժանման կողմից 14.02.2015թ. կազմված արձանագրության՝ 07.02.2015թ. Ընկերության կողմից զորամասից տարվել է կեղտոտ սպիտակեղեն, որից սավան՝ 503 հատ, վերմակաճրար՝ 5 հատ, սրբիչ վաֆլե՝ 112 հատ, սրբիչ բաղնիքի՝ 30 հատ, ձմեռային շապիկ՝ 108 հատ, ձմեռային վարտիկ՝ 89 հատ: Զորամասի կողմից հանձնված լվացքը դրոշմավորված է եղել 81151 զորամասի դրոշմով: Նույն թվականի փետրվարի 14-ին Ընկերության կողմից հետ է վերադարձվել նշված սպիտակեղենը, լվացքի որակը լավ է, սակայն ի հայտ են եկել ՊՆ տարբեր զորամասերին պատկանող սավաններ, մասնավորապես՝ ՀՀ ՊՆ 51036 զորամաս՝ 10 հատ, ՀՀ ՊՆ 51191 զորամաս՝ 14 հատ, ՀՀ ՊՆ 21127 զորամաս՝ 7 հատ, ՀՀ ՊՆ 51556 զորամաս՝ 3 հատ, ՀՀ ՊՆ 80046 զորամաս՝ 4 հատ, ՀՀ ՊՆ 13516 զորամաս՝ 5 հատ, ՀՀ ՊՆ 56952 զորամաս՝ 2 հատ, ՀՀ ՊՆ 35389 զորամաս՝ 2 հատ, ՀՀ ՊՆ 36534 զորամաս՝ 4 հատ, ՀՀ ՊՆ 63853 զորամաս՝ 12 հատ:

7. ՀՀ ՊՆ 37082 զորամասի պատասխանատու ստորաբաժանման կողմից 11.02.2015թ. կազմված գեկուցագրի համաձայն՝ Ընկերության կողմից զորամասեր առաքված լվացած սպիտակեղենը եղել է խոնավ, բերվել է հանձնած թվաքանակից քիչ, պիտակավորումը՝ այլ զորամասերի, իսկ 81151 զորամասում՝ փետրվարի 7-ի փոխարեն բերվել է փետրվարի 8-ին:

8. ՀՀ պաշտպանության նախարարությունը 10.02.2015թ. Ընկերությանը տեղեկացրել է, որ ՀՀ ՊՆ 63853 և 51556 զորամասերից ստացվել են բողոքներ՝ կապված լվացքի ծառայության մատուցման որակի ժամկետների խախտումների վերաբերյալ, ուստի Պայմանագրի տեխնիկական բնութագրի պահանջներին ոչ համապատասխան ծառայություն մատուցելու դեպքում՝ Ընկերության նկատմամբ կկիրառվեն Պայմանագրով նախատեսված պատժամիջոցներ:

9. Պատվիրատուի պատասխանատու ստորաբաժանման կողմից 09.05.2015թ. կազմված արձանագրության համաձայն՝ 06.09.2015թ. դրությամբ «Մոր և մանկան առողջության պահպանման գիտահետազոտական կենտրոն»-ի տարածքում տեղակայված «Գառանտ Շեն» ՍՊԸ-ին պատկանող լվացքատանը իրականացվում է ՀՀ ՊՆ 68617, 54574 և 55565 զորամասերին պատկանող սպիտակեղենի լվացքը:

10. 25.06.2015թ. զեկուցագրով պատասխանատու ստորաբաժանումը ՀՀ զինված ուժերի Գլխավոր շտաբին տեղեկացրել է, որ վերոհիշյալ զորամասերի կեղտոտ ստիտակեղենի լվացման նպատակով երրորդ կողմին փոխանցելու վերաբերյալ Պատվիրատուն չի տեղեկացվել Ընկերության կողմից: Ինչպես նաև չի բացառվում, որ «Գառանտ Շեն» ՓԲԸ-ի կողմից ՀՀ ՊՆ պատկանող կեղտոտ սպիտակեղենի լվացման հետ մեկտեղ իրականացվում է վերոհիշյալ բուժհաստատության կամ հնարավոր այլ պատվիրատուի կեղտոտ սպիտակեղենի լվացումը, որը թույլատրելի չէ:

11. Պատվիրատուն 17.02.2015թ., 03.03.2015թ., 26.05.2015թ. գրություններով նախազգուշացրել է Ընկերությանը Ծառայության մատուցման ընթացքը և որակը կարգավորելու վերաբերյալ, քանի որ ՀՀ ՊՆ զորամասերից ստացվել են բողոքներ կապված լվացքի ծառայության մատուցման որակի և ժամկետների խախտումների վերաբերյալ:

Պատվիրատուն վերոհիշյալ գրություններով հայտնել է Ընկերությանը, որ Ծառայության մատուցման որակը և ժամկետները չկարգավորելու դեպքում Պայմանագիրը միակողմանի կլուծարվի:

12. Պատվիրատուի պատասխանատու ստորաբաժանման կողմից 18.08.2015թ. կազմված արձանագրության համաձայն՝ ՀՀ ՊՆ 68617 և ՀՀ ՊՆ 55565 զորամասերում լվացքատնից ընդունված և դեռ անձնակազմին չհատկացված խմբաքանակներից համապատասխանաբար 6 և 2 հատ «բարձի երես» սպիտակեղենի լվացքի որակը անբավարար է:

13. Պատվիրատուի պատասխանատու ստորաբաժանման կողմից 18.08.2015թ. կազմված արձանագրության համաձայն՝ ՀՀ ՊՆ 21127 զորամասում կատարված ստուգման արդյունքում պարզվել է, որ զորամասում լվացքատնից ընդունված և պահեստավորված

սավան, բարձի երես, սրբիչ և տաք ներքնաշոր սպիտակեղենի խմբաքանակներից բարձի երեսների լվացքի որակն գնահատվել է անբավարար:

14. ՀՀ պաշտպանության նախարարությունը 27.08.2015թ. թիվ ԴՎԱ/2037 գրությամբ «Մալվինաթոյս» ՍՊԸ-ին հայտնել է, որ Պատվիրատուն, հիմք ընդունելով Պայմանագրի 2.1.3 կետի «ա» ենթակետը, 01.09.2015թ. միակողմանի լուծում է կողմերի միջև կնքված Պայմանագիրը:

6. Խորհրդի հիմնավորումները և եզրահանգումը

Խորհուրդն, ուսումնասիրելով ՀՀ ֆինանսների նախարարության 07.09.2015թ. թիվ 1/73-1/24633-15, ՀՀ պաշտպանության նախարարության 01.09.2015թ. թիվ ԴՎԱ/2078 գրությունները և կից փաստաթղթերը հայտնում է հետևյալը.

«Գնումների մասին» ՀՀ օրենքի 5-րդ հոդվածի 1-ին մասի 4-րդ կետի «ա» ենթակետի համաձայն՝ Մասնակիցն ընդգրկվում է նշված ցուցակում, եթե ***հայտը ներկայացնելու պահին նախորդող տարվա ընթացքում՝ ավելի քան մեկ անգամ խախտել է պայմանագրով նախատեսված*** կամ գնման գործընթացի շրջանակում ստանձնած պարտավորություն, ***որը հանգեցրել է պատվիրատուի կողմից պայմանագրի միակողմանի լուծարմանը կամ գնման գործընթացին տվյալ մասնակցի հետագա մասնակցության դադարեցմանը:***

Օրենքի 48-րդ հոդվածի 6-րդ մասի 7-րդ կետի համաձայն՝ ՀՀ գնումների բողոքարկման խորհուրդն իրավունք ունի որոշում կայացնելու մասնակցին գնումների գործընթացին մասնակցության իրավունք չունեցող մասնակիցների ցուցակում ներառելու համար:

ՀՀ պաշտպանության նախարարության և «Մալվինաթոյս» ՍՊԸ-ի միջև 12.01.2015թ. կնքված «ՇՀԾՁԲ-7/2-1» ծածկագրով լվացքի ծառայության գնման պայմանագրի թիվ 1 համաձայնագրի գնման ժամանակացույցի համաձայն՝ Ընկերությունը պարտավորվել էր 2015թ. ընթացքում մատուցել լվացքի ծառայություն ՀՀ պաշտպանության նախարարության

թվով 40 տարբեր զորամասերի՝ յուրաքանչյուր ամիս, համապատասխան ծավալներով: Լվացքի ծառայության մատուցումն պետք է սկսվեր 2015թ. փետրվարից:

ՀՀ ՊՆ 81151 զորամասի պատասխանատու ստորաբաժանման կողմից 14.02.2015թ. կազմված արձանագրությամբ ամրագրվել էր, որ 07.02.2015թ. Ընկերության կողմից զորամասից տարվել է կեղտոտ սպիտակեղեն, որից սավան՝ 503 հատ, վերմակածրար՝ 5 հատ, սրբիչ վաֆլե՝ 112 հատ, սրբիչ բաղնիքի՝ 30 հատ, ձմեռային շապիկ՝ 108 հատ, ձմեռային վարտիկ՝ 89 հատ: Զորամասի կողմից հանձնված լվացքը դրոշմավորված է եղել 81151 զորամասի դրոշմով: Նույն թվականի փետրվարի 14-ին Ընկերության կողմից հետ է վերադարձվել նշված սպիտակեղենը, լվացքի որակը գնահատվել է լավ, սակայն ի հայտ են եկել ՊՆ տարբեր զորամասերին պատկանող սավաններ, մասնավորապես՝ ՀՀ ՊՆ 51036 զորամաս՝ 10 հատ, ՀՀ ՊՆ 51191 զորամաս՝ 14 հատ, ՀՀ ՊՆ 21127 զորամաս՝ 7 հատ, ՀՀ ՊՆ 51556 զորամաս՝ 3 հատ, ՀՀ ՊՆ 80046 զորամաս՝ 4 հատ, ՀՀ ՊՆ 13516 զորամաս՝ 5 հատ, ՀՀ ՊՆ 56952 զորամաս՝ 2 հատ, ՀՀ ՊՆ 35389 զորամաս՝ 2 հատ, ՀՀ ՊՆ 36534 զորամաս՝ 4 հատ, ՀՀ ՊՆ 63853 զորամաս՝ 12 հատ:

ՀՀ ՊՆ 37082 զորամասի պատասխանատու ստորաբաժանման 11.02.2015թ. գեկուցագրի համաձայն՝ Ընկերության կողմից զորամասեր առաքված լվացած սպիտակեղենը եղել է խոնավ, բերվել է հանձնած թվաքանակից քիչ, պիտակավորումը՝ այլ զորամասերի, իսկ 81151 զորամասում՝ փետրվարի 7-ի փոխարեն բերվել է փետրվարի 8-ին:

Պատվիրատուի պատասխանատու ստորաբաժանման կողմից 09.05.2015թ. կազմված արձանագրության համաձայն՝ 06.09.2015թ. դրությամբ «Մոր և մանկան առողջության պահպանման գիտահետազոտական կենտրոն»-ի տարածքում տեղակայված «Գառանտ Շեն» ՍՊԸ-ին պատկանող լվացքատանը իրականացվում է ՀՀ ՊՆ 68617, 54574 և 55565 զորամասերին պատկանող սպիտակեղենի լվացքը: Ընդ որում, Պատվիրատուն արձանագրել է նաև, որ «Մավլինաթոյս» ՍՊԸ-ն Պատվիրատուին որևէ կերպով չի տեղեկացրել Ծառայության մատուցումը երրորդ անձի կողմից իրականացնելու վերաբերյալ:

Պատվիրատուի պատասխանատու ստորաբաժանման կողմից 18.08.2015թ. կազմված արձանագրության համաձայն՝ ՀՀ ՊՆ 68617 և ՀՀ ՊՆ 55565 զորամասերում լվացքատնից ընդունված և դեռ անձնակազմին չհատկացված խմբաքանակներից համապատասխանաբար 6 և 2 հատ «բարձի երես» սպիտակեղենի լվացքի որակը գնահատվել էր անբավարար:

Պատվիրատուի պատասխանատու ստորաբաժանման կողմից 18.08.2015թ. կազմված արձանագրության համաձայն՝ ՀՀ ՊՆ 21127 զորամասում կատարված ստուգման արդյունքում պարզվել է, որ զորամասում լվացքատնից ընդունված և պահեստավորված սավան, բարձի երես, սրբիչ և տաք ներքնաշոր սպիտակեղենի խմբաքանակներից բարձի երեսների լվացքի որակը անբավարար է:

Ընդ որում, Խորհուրդն արձանագրում է, որ Պատվիրատուն մի շարք գրություններով (10.02.2015թ., 17.02.2015թ., 03.03.2015թ., 26.05.2015թ.) ծանուցել է Ընկերությանը՝ հայտնելով, որ անհրաժեշտ է կարգավորել Ծառայության մատուցման ընթացքը, որակը և ժամկետները, քանի որ համապատասխան զորամասերից ստացվում են բողոքներ:

ՀՀ պաշտանության նախարարությունը 27.08.2015թ. թիվ ԴՎԱ/2037 գրությամբ «Մավվինաթոյս» ՍՊԸ-ին հայտնել է, որ Պատվիրատուն, հիմք ընդունելով Պայմանագրի 2.1.3 կետի «ա» ենթակետը, 01.09.2015թ. միակողմանի լուծում է կողմերի միջև կնքված Պայմանագիրը:

Այսպես, Պայմանագրի 2.1 կետի 2.1.3 ենթակետի համաձայն՝ Պատվիրատուն իրավունք ունի միակողմանի լուծել Պայմանագիրը, եթե Կատարողը էականորեն խախտել է համարվում, եթե՝

ա) մատուցած Ծառայությունը չի համապատասխանում Պայմանագրի N 2 հավելվածով սահմանված պահանջներին,

բ) խախտվել է ծառայության մատուցման ժամկետը:

Խորհուրդն արձանագրում է, որ «Մավվինաթոյս» ՍՊԸ-ի կողմից թույլ է տրվել Պայմանագրի էական խախտում, որի արդյունքում Պատվիրատուն միակողմանի լուծել է Պայմանագիրը:

Այսպես Պայմանագրի թիվ 2 հավելված՝ վացքի ծառայության տեխնիկական բնութագրով Ընկերությունը պարտավորվել էր.

- Կեղտոտ սպիտակեղենը տեղավորել և վանալ ըստ կեղտոտվածության աստիճանների, չորացնել և արդուկել՝

- Անկողնային սպիտակեղեն (սավան՝ բամբակյա, բարձի երես՝ բամբակյա, վերմակածրար՝ բամբակյա, սրբիչներ՝ խավավոր և վաֆլե, սրբիչ՝ վաֆլե բաղնիքի), վացումը շաբաթական մեկ անգամ,

- Ներքնազգեստ (շապիկ՝ բամբակյա, ներքնաշոր՝ տաք), վացումը շաբաթական մեկ անգամ,

- Հոսպիտալային և խոհարարական հանդերձանք և սպիտակեղեն, վացումը շաբաթական մեկ անգամ,

- Համազգեստի պարագաներ (ամառային համազգեստի վացում՝ ամիսը մեկ անգամից ոչ ավել, ձմեռային համազգեստի երեսացուի վացում՝ տարին մեկ անգամ, ամառվա ամիսներին):

- Մաքուր սպիտակեղենի տեղափոխությունը վացքատնից զորամաս իրականացնել պոլիէթիլենային պարկերի մեջ:

- Կեղտոտ և վացած սպիտակեղենի տեղափոխությունը պետք է իրականացնի վացք կատարող կազմակերպությունը:

- Կեղտոտ սպիտակեղենի ընդունում-հանձնումը պետք է իրականացվի տվյալ կազմակերպության լիազորված ներկայացուցչի կողմից:

Պատվիրատուի համապատասխան պատասխանատու ստորաբաժանումների կողմից կազմված մի շարք արձանագրություններով ամրագրվել է, որ Ընկերության կողմից մատուցված ծառայության որակը չի համապատասխանում Պայմանագրի տեխնիկական բնութագրով սահմանված չափանիշներին, ինչպես նաև Ընկերության կողմից խախտվել են նաև Ծառայության մատուցման ժամկետները: Ընդ որում, Պատվիրատուն մի շարք գրություններով ծանուցել է Ընկերությանը՝ առաջարկելով կարգավորել ծառայության մատուցման ընթացքն ու որակը, որը սակայն Ընկերության կողմից չի իրականացվել:

Հետևաբար, Խորհուրդն արձանագրում է, որ Ընկերության կողմից թույլ է տրվել «Գնումների մասին» ՀՀ օրենքի 5-րդ հոդվածի 1-ին մասի 4-րդ կետի «ա» ենթակետով

նախատեսված ավելի քան մեկ անգամ պայմանագրով նախատեսված պարտավորության խախտում, որը հանգեցրել է Պատվիրատուի կողմից Պայմանագրի միակողմանի լուծարման:

Մինչույն ժամանակ Օրենքի 5-րդ հոդվածի 1-ին մասի 4-րդ կետի «ա» ենթակետի համաձայն՝ մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե **հայտը ներկայացնելու պահին նախորդող տարվա ընթացքում** ավելի քան մեկ անգամ խախտել է պայմանագրով նախատեսված պարտավորություն, որը հանգեցրել է պատվիրատուի կողմից պայմանագրի միակողմանի լուծարմանը:

Այսպիսով, Օրենքի 5-րդ հոդվածի 1-ին մասի 4-րդ կետով նախատեսված՝ գնումների գործընթացին մասնակցելու իրավունք չունեցող մասնակիցների ցուցակում մասնակցին ներառելու համար **պարտադիր և միաժամանակյա առկա հիմքերն են՝**

- նույն կետի «ա» ենթակետերով նախատեսված և մասնակցին վերագրվող խախտման առկայությունը,

- խախտումը թույլ տալու պահից մեկ տարվա ընթացքում մասնակցի կողմից մրցակցային գործընթացին մասնակցելու համար հայտ ներկայացրած լինելու հանգամանքը:

Կենտրոնը արձանագրում է, որ «Մալվինաթոյս» ՍՊԸ-ի վերաբերյալ դեռևս առկա է Ցուցակում ներառելու միայն մեկ հիմքը, այն է՝ **Օրենքի 5-րդ հոդվածի 1-ին մասի 4-րդ կետի «ա» ենթակետով նախատեսված և վերջինիս վերագրվող խախտման առկայությունը:**

Ընկերությանը Ցուցակում ներառելու մասին որոշումը կարող է կայացվել միայն երկրորդ պարտադիր հիմքի՝ **խախտումը թույլ տալու պահից մեկ տարվա ընթացքում մասնակցի կողմից հայտ ներկայացնելու հանգամանքի** ի հայտ գալու պայմաններում: Մինչդեռ սույն որոշումը կայացնելու օրվա դրությամբ՝ **Խորհուրդը չունի որևէ տեղեկատվություն Ընկերությանը վերագրվող խախտում թույլ տալու պահից (01.09.2015թ.) մեկ տարվա ընթացքում գնման որևէ գործընթացին հայտ ներկայացրած լինելու վերաբերյալ:** Հետևաբար, Խորհուրդը գտնում է, որ Ընկերությանը Ցուցակում ներառելու հիմքեր դեռևս առկա չեն:

Ելնելով վերոգրյալից և ղեկավարվելով «Գնումների մասին» ՀՀ օրենքի 48-րդ հոդվածի 6-րդ մասի 7-րդ կետով՝ ՀՀ գնումների բողոքարկման խորհուրդը


Ո Ր Ո Շ Ե Ց

ՀՀ ֆինանսների նախարարության 07.09.2015թ. N 1/73-1/24633-15 գրությամբ ներկայացված «Մալվինաթոյս» ՍՊԸ-ին (ՀՎՀՀ՝ 00458098) գնումների գործընթացին մասնակցելու իրավունք չունեցող մասնակիցների ցուցակում ընդգրկելու պաշտոնական ընթացակարգը մերժել:

ՀՀ գնումների բողոքարկման խորհրդի որոշումն իրավապարտադիր է:

ՀՀ գնումների բողոքարկման խորհրդի որոշումը կարող է բողոքարկվել դատական կարգով:

Բողոքը քննող հանձնաժողով՝

Նախագահ՝ 

Հայրապետյան Գևորգ

Անդամ՝ 

Խաչատրյան Լեոնիկ